

Á GÖNGUSKÍÐUM Í TOBLACH 1



10. – 17. janúar 2026

Fararstjórar: Íris Marelsdóttir og Árni Ingólfsson

Hreyfiferð
Ítalía

Ferðalýsing

Dólómítarnir hafa löngum verið vinsælt skíðasvæði yfir vetrartímann, enda aðstæður til skíðaiðkunar með eindæmum góðar. Stórbrotin náttúra, sögulegt mikilvægi og sérstæð menning eru ástæður þess að fjallgarðurinn er skráður á heimsminjaskrá UNESCO. Í dalnum Hochpustertal liggur eitt besta skíðagöngusvæði í Suður-Tíról, enda eru skíðabrautir svæðisins um 200 km langar í öllum erfiðleikastigum. Gist verður á glæsilegu 4* hóteli í bænum Toblach, sjarmerandi fjallaborpi þar sem ægífagrir tindar Dólómítanna bera við bláan himininn. Aðstaðan á hótelinu er góð en þar er boðið upp á góðan kvöldverð, þægileg herbergi ásamt heilsulind með gufubaði, sundlaug og hvíldarherbergjum. Flogið er með Icelandair til Innsbruck og ekið sem leið liggur til Toblach en þangað eru um 135 km. Í þessari ferð er ekki skipulögð skíðagöngukennsla og því hentar hún ekki fyrir byrjendur.

Nánar um ferðina

Í ferðinni verða tveir fararstjórar sem munu vera með skipulega dagskrá, boðið verður upp á styttri og lengri ferðir og gjarnan staldrað við í hádegi á notalegum veitingastað. Þeir sem vilja frekar njóta þess að skíða á sínum eigin forsendum í dásamlegu umhverfi gera það. Markmiðið er að allir njóti sín á gönguskíðum við góðar aðstæður.

8 dagar | 7 nætur í Toblach



Skíðasvæðið

Í dalnum Hochpustertal í Suður-Tíról má finna eitt af allra bestu gönguskíðasvæðum Dólómítanna, enda eru skíðabrautir svæðisins um 200 km langar og fjölbreyttar, en þó aðallega bláar og rauðar. Bærinn Toblach, oft kallaður „Hliðið að Dólómítunum“, liggur í miðjum dalnum og er einstaklega vel tengdur öllum helstu skíðabrautunum og því auðvelt að finna nýjar leiðir á hverjum degi. Frá Toblach liggja m.a. brautir um rómantíska dalinn Val Fiscalina en þaðan sjást vel hinir ægífögru og vel þekktu tindar Dólómítafjallanna (Drei Zinnen). Tindarnir voru eitt sinn hluti af víðáttumiklu hitabeltishafi og eru myndaðir úr kóralrifum. Hægt er að ganga Tour de Ski keppnisleiðina frá Toblach til Cortina en leiðin liggur yfir breiða sléttu í 2000 m hæð í gegnum dalinn Val di Landro. Í Toblach er einnig að finna mislangar þjálfunarbrautir (Nordic Ski Arena) sem margir þekkta skíðagöngugarpar nota til æfinga. Árlega eru haldnar heimsþekktar skíðagöngukeppnir í Toblach eins og t.d. Tour de Ski, Pustertaler Ski Marathon og Dobbiaco-Toblach – Cortina.



[Vefsíða svæðisins.](#)

Hótelið

Í þessari ferð verður gist á 4* hótelinu Hotel Laurin í bænum Toblach. Hótelið er staðsett á rólegum stað nálægt gönguskíðasvæðinu og býður upp á fallegt útsýni yfir Dólómíta fjallgarðinn. Skíðagöngumiðstöðin er í aðeins 50 metra fjarlægð og rétt fyrir utan hótelið stoppar strætó sem gengur í miðbæ Toblach en þangað er líka stutt að ganga.

Herbergin á hótelinu eru öll með sturtu/baði, sjónvarpi, öryggishólfi og hárbلاسara. Á hótelinu er einnig að finna heilsulind með sundlaug, finnskri saunu, bio saunu, gufubaði og afslöppunarherbergjum þar sem hægt er að slaka á eftir góðan skíðadag. Hægt er að panta nudd og aðrar heilsumedferðir gegn gjaldi. Á hótelinu er skíðageymsla með aðstöðu til að bera á skíðin.



[Vefsíða hótelsins.](#)

Flugið

Flogið verður með Icelandair til Innsbruck þann 10. janúar. Brottför frá Keflavík kl. 09:55 en mæting í Leifsstöð u.þ.b. 2,5 klst. fyrir brottför. Lending í Innsbruck kl. 15:05 að staðartíma. Frá flugvellinum í Innsbruck eru um 135 km til Toblach svo gera má ráð fyrir að rútuferðin taki rúmar 2 klst. Á brottfarardegi er flogið heim kl. 16:05 frá Innsbruck. Lending á Íslandi kl. 19:40.

Verð

369.900 kr. á mann í tvíbýli | 26.200 kr. aukagjald fyrir einbýli.

Innifalið

- ✓ Flug með Icelandair og flugvallarskattar.
- ✓ Ferðir á milli flugvallarins í Innsbruck og hótelsins í Toblach.
- ✓ Gisting í tveggja manna herbergi með sturtu/baði á fjögurra stjörnu hóteli.
- ✓ Morgunverðarhlaðborð.
- ✓ Síðdegishressing með kökuhlaðborði.
- ✓ Kvöldverður með sex rétta valmatseðli.
- ✓ Aðgangur að heilsulind hótelsins.
- ✓ Akstur einn dag á Plätzeise skíðasvæði.
- ✓ Íslensk fararstjórn.



Ekki innifalið

- ✓ Kaupa þarf sérstakt kort fyrir gönguskíðabrautir svæðisins (vikukort u.þ.b. € 50).
- ✓ Aukagjald fyrir skíði í flug.
- ✓ Hádegisverðir.
- ✓ Þjóf fé.
- ✓ Forfalla- og ferðatrygging.